

Datum: 28. novembar 2017. godine
Broj: 02-105-12/17

Transparency International u Bosni i Hercegovini objavljuje:

JAVNI POZIV

za dostavljanje prijava za **vodećeg istraživača** za provođenje istraživanja o transparentnosti u korporativnom izvještavanju (TRAC) u javnim preduzećima

Transparency International u Bosni i Hercegovini (TI BiH) u saradnji sa Agencijom za prevenciju korupcije i koordinaciju borbe protiv korupcije i Udruženjem članova odbora privrednih društava u BiH implementira projekt pod nazivom „**Jačanje korporativnog upravljanja javnih preduzeća u BiH kroz antikorupcijske programe**“, koji finansira Ambasada Kraljevine Holandije u BiH. Sveukupni cilj projekta je jačanje kapaciteta javnih preduzeća u BiH radi otkrivanja i sprečavanja nastanka koruptivnih rizika u njihovim svakodnevnim aktivnostima kroz razvoj i implementaciju efikasnih i učinkovitih antikorupcijskih programa.

Jedna od aktivnosti u projektu je provodjenje istraživanja o transparentnosti u korporativnom izvještavanju (TRAC) u javnim preduzećima,. Ovo istraživanje će se provesti po prvi put u BiH na osnovu metodologije koju je razvio Transparency International na globalnom nivou. TRAC istraživanje će rezultirati TRAC indexom (rangiranjem javnih preduzeća) i izvještajem koji ocjenjuje javna preduzeća u pogledu prakse objavljivanja njihovih antikorupcijskih programa, organizacijske transparentnosti i objave ključnih finansijskih informacija. Svrha TRAC istraživanja je podsticaj objave što većeg broja informacija čime bi se unaprijedio nadzor nad radom javnih preduzeća i odgovornije ponašanje javnih preduzeća. TRAC index i izvještaj će predstavljati dobru referentnu tačku za kasnije aktivnosti i rad na jačanju i unapređenju sveobuhvatnih mehanizama transparentnosti, odgovornosti i integriteta u radu javnih preduzeća.

Za realizaciju TRAC istraživanja TI BiH će okupiti Tim sačinjen od jednog vodećeg istraživača i 4 mlađa istraživača. Nakon selekcije Tim istraživača će proći obuku o primjeni metodologije i načinu realizacije TRAC istraživanja koju će održati eksperti Transparency International Sekretarijata.

Ovim istraživanjem bit će obuhvaćeno 150-200 javnih preduzeća. Okvirni vremenski period planiran za realizaciju istraživanja je decembar 2017. – april 2018. godine.

Vodeći istraživač (jedan izvršilac) će biti zadužen da:

- Pohađa obuku za TRAC metodologiju;
- Prilagodi postojeću metodologiju lokalnom kontekstu
- Prati i nadgleda dinamiku istraživanja i pomaže mlađim istraživačima u slučaju da je to neophodno
- Pripremi i prezentuje na javnom događaju TRAC index i izvještaj sa ključnim preporukama.

Potrebne kvalifikacije i vještine:

- Najmanje VSS društvenog ili drugog odgovarajućeg smjera;
- Najmanje 7 godina iskustva na istim ili sličnim poslovima;
- Poznavanje zakonodavnog institucionalnog okvira u javnih preduzeća u BiH;
- Poznavanje principa korporativnog upravljanja;
- Poznavanje antikorupcijskog okvira, mehanizama i praksi;
- Iskustvo u vođenju istraživačkih projekata;
- Iskustvo u pisanju analitičkih izvještaja;

- Analitičke i komunikacijske vještine;
- Sposobnost upravljanja timom;
- Poznavanje engleskog jezika u govoru i pismu;
- Poznavanje rada na računaru (Excel).

Kandidati koji ispunjavaju gore navedene uslove trebaju dostaviti pismo namjere, Curriculum Vitae i potvrdu/dokaz o iskustvu na istim ili sličnim poslovima najkasnije do **6. decembra 2017. godine** putem email-a: emujkic@ti-bih.org sa naslovom predmeta: Prijava za TRAC Vodećeg istraživača ili poštom na sljedeću adresu:

**Transparency International BiH,
Mula Mustafe Bašeskije 9/1,
71000 Sarajevo, BiH**

TI BiH zadržava pravo da kontaktira samo kandidate koji uđu u uži izbor.